



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

*ZAPISNIK
O RADU PETE SJEDNICE
GRADSKOG VIJEĆA GRADA SARAJEVA
ODRŽANE 28.07.2021. GODINE*

Sarajevo, juli 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



**ZAPISNIK O RADU PETE SJEDNICE
GRADSKOG VIJEĆA GRADA SARAJEVA
ODRŽANE 28.07.2021. GODINE**

Broj: 01-GV-02-883/21

Datum: 28.07.2021. godine

Sjednica je počela sa radom u 10,00 sati.

Sjednicom je predsjedavao **Jasmin Ademović, predsjedavajući Gradskog vijeća.**

Prisutni su bili sljedeći gradski vijećnici:

1. Alem Logo
2. Almedin Miladin
3. Biljana Lazarević
4. Jasmin Ademović
5. Samir Bejić
6. Toni Vukadin
7. Adi Škaljić
8. Amra Zulfikarpašić
9. Nihad Uk
10. Mirela Džehverović
11. Ratko Orozović
12. Lajla Ćosović
13. Srđan Simonović
14. Vedad Deljković
15. Dragan Stevanović
16. Elvedin Korora
17. Muamer Mekić
18. Bajro Biber
19. Seid Škaljić
20. Željko Majstorović
21. Vedran Dodik
22. Drago Jurić
23. Enisa Spahić
24. Jasmin Skorupan
25. Srđan Srdić

Odsutni: Danijela Šahat (najavljen izostanak), Alma Čengić (najavljen izostanak) i Marijela Hašimbegović (najavljen izostanak)

Pored gradskih vijećnika, sjednici su prisustvovali:

1. Benamina Karić, gradonačelnica grada Sarajeva
2. Haris Bašić, zamjenik gradonačelnice grada Sarajeva
3. Anja Margetić, zamjenica gradonačelnice grada Sarajeva
4. Mila Eminović Rizvanović, sekretar Gradskog vijeća
5. Meliha Olovčić, pomoćnica gradonačelnice za opću upravu i zajedničke poslove
6. Merima Arifhodžić, pomoćnica gradonačelnice za urbano planiranje, investicije, stambene i komunalne poslove
7. Sanjin Smajlović, pravobranilac Grada Sarajeva
8. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)

9. Arijana Musić, ispred Gradske službe za urbano planiranje, investicije, stambene i komunalne poslove
10. Asja Kahvedžić, ispred Gradske službe finansija
11. Elvir Nišić, ispred Gradske službe za obrazovanje, sport, kulturu i mlade
12. Aida Bajramović, ispred Stručne službe gradonačelnice grada Sarajeva

Sjednica je započela intoniranjem himne.

Predsjedavajući Gradskog vijeća Jasmin Ademović je pozdravio prisutne i otvorio Petu sjednicu Gradskog vijeća Grada Sarajeva.

Sekretar Gradskog vijeća Mila Eminović Rizvanović je informisala Gradsko vijeće da sjednici prisustvuje 24 gradska vijećnika, te da su izostanak najavile gradska vijećnica Alma Čengić i gradska vijećnica Marijela Hašimbegović.

Predsjedavajući Gradskog vijeća Jasmin Ademović je konstatovao da sjednici prisustvuje 24 gradska vijećnika, da je i gradska vijećnica Danijela Šahat najavila izostanak, te da Gradsko vijeće ima kvorum za punovažan rad i odlučivanje.

Na poziv **Predsjedavajućeg Gradskog vijeća Jasmina Ademovića** odata je počast žrtvama genocida nad Bošnjacima u Srebrenici 1995. godine, kao i svim žrtvama ratnih zločina počinjenih u Prijedoru i drugim dijelovima Bosne i Hercegovine.

Predsjedavajući Gradskog vijeća Jasmin Ademović je otvorio raspravu o Zapisniku o radu Treće sjednice Gradskog vijeća održane 30.06. i 19.07.2021. godine.

Predsjedavajući Gradskog vijeća Jasmin Ademović je konstatovao da je sjednici pristupio gradski vijećnik Samir Bejić.

Na poziv **predsjedavajućeg Gradskog vijeća Jasmina Ademovića**, **Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je** Zapisnik o radu Treće sjednice Gradskog vijeća održane 30.06. i 19.07.2021. godine.

Predsjedavajući Gradskog vijeća Jasmin Ademović je informisao gradske vijećnike da će na Šestoj sjednici Gradskog vijeća biti razmatran Zapisnik o radu Četvrte sjednice Gradskog vijeća Grada Sarajeva održane 19.07.2021. godine.

Predsjedavajući Gradskog vijeća Jasmin Ademović je podsjetio gradske vijećnike da su, uz predloženi dnevni red sjednice, dostavljeni materijali sa izvještajima radnih tijela, koja su održana u pripremi Pete sjednice Gradskog vijeća Grada Sarajeva.

Podsjetio je gradske vijećnike da je u utorak 27.07.2021. godine dostavljen od strane Gradonačelnice, kao ovlaštenog predlagача, Prijedlog Odluke o davanju saglasnosti za donošenje Odluke o preraspodjeli sredstava planiranih u Budžetu Grada Sarajeva za 2021. godinu sa prijedlogom da se Odluka uvrsti u prijedlog dnevnog reda i donese po hitnom postupku.

Također je podsjetio da je prijedlog Odluke dostupan gradskim vijećnicima, te da će Gradsko vijeće o prijedlogu da se Odluka donese po hitnom postupku odlučivati kao o predhodnom pitanju.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika **usvojilo je prijedlog da se Odluka o davanju saglasnosti za donošenje Odluke o preraspodjeli sredstava planiranih u Budžetu Grada Sarajeva za 2021. godinu razmatra u formi prijedloga po hitnom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i četiri „suzdržana“ glasa prisutnih gradskih vijećnika **usvojilo je prijedlog da se Odluka o stavljanju van snage Odluke o ustupanju korištenja prostora u upravnoj zgradi DPO-a na Parlament Federacije Bosne i Hercegovine razmatra u formi prijedloga po skraćenom postupku.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je dnevni red Pete sjednice Gradskog vijeća Grada Sarajeva.**

1. Prijedlog Odluke o usvajanju Regulacionog plana “Zabrđe” sa Prijedlogom Odluke o provođenju Regulacionog plana “Zabrđe”
2. Prijedlog Odluke o stavljanju van snage Odluke o ustupanju korištenja prostora u upravnoj zgradi DPO-a na Parlament Federacije Bosne i Hercegovine
3. Prijedlog Odluke o davanju saglasnosti za donošenje Odluke o preraspodjeli sredstava planiranih u Budžetu Grada Sarajeva za 2021. godinu
4. Izvještaj o korištenju sredstava tekuće reserve
5. Informacija o realizaciji projekta sanacije, restauracije i kolorističke obnove fasada za 2020. godinu
6. Informacija o provođenju Plana djelovanja za mlade grada Sarajeva za period 01.01. 2020. - 01.06.2021. godine
7. Informacija o realizaciji vijećničkih pitanja i inicijativa za tekuću godinu
8. Vijećnička pitanja i inicijative

Ad 1)

Prijedlog Odluke o usvajanju Regulacionog plana “Zabrđe” sa Prijedlogom Odluke o provođenju Regulacionog plana “Zabrđe”

U uvodnim napomenama, **predsjedavajući Gradskog vijeća Jasmin Ademović** je istakao da je nosilac pripreme Plana Gradonačelnica, a da je nosilac izrade Plana Zavod za planiranje razvoja Kantona Sarajevo, da je Prijedlog Odluke razmatrao Odbor za urbanizam i upotrebu lokalnog zemljišta i Komisija za Statut i akte, te da su mišljenja radnih tijela dostupna gradskim vijećnicima.

Uvodno izlaganja podnijela je **gradonačelnica grada Sarajeva Benjamina Karić** i **ispred Gradske službe za urbano planiranje, investicije, stambene i komunalne poslove Arijana Musić.**

U raspravi, koja je uslijedila, učestvovao je **zamjenik Predsjedavajućeg Gradskog vijeća Dragan Stevanović** i **gradski vijećnik Adi Škaljić**, a odgovore na postavljena pitanja i pojašnjenja dala je **ispred Gradske službe za urbano planiranje, investicije, stambene i komunalne poslove Arijana Musić.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Odluku o usvajanju Regulacionog plana “Zabrđe” sa Odlukom o provođenju Regulacionog plana “Zabrđe”, kako je predložena.**

Ad 2)

Prijedlog Odluke o stavljanju van snage Odluke o ustupanju korištenja prostora u upravnoj zgradi DPO-a na Parliament Federacije Bosne i Hercegovine

U uvodnim napomenama, **predsjedavajući Gradskog vijeća Jasmin Ademović** je istakao da su **predlagač Odluke Predsjedavajući Gradskog vijeća, zamjenica Predsjedavajućeg Gradskog vijeća i zamjenik Predsjedavajućeg Gradskog vijeća**, da je Prijedlog Odluke razmatrala Administrativna komisija i Komisija za Statut i akte, te da su mišljenja radnih tijela dostupna gradskim vijećnicima.

Uvodno izlaganje podnio je **predsjedavajući Gradskog vijeća Jasmin Ademović, zamjenik predsjedavajućeg Gradskog vijeća Dragan Stevanović i zamjenica Predsjedavajućeg Gradskog vijeća Mirela Džehverović.**

U raspravi, koja je uslijedila, učestvovao je **gradski vijećnik Vedad Deljković, gradski vijećnik Srđan Srdić, gradski vijećnik Seid Škaljić, gradski vijećnik Vedran Dodik, gradski vijećnik Muamer Mekić, gradski vijećnik Almedin Miladin, gradonačelnica grada Sarajeva Benjamina Karić, zamjenik gradonačelnice grada Sarajeva Haris Bašić, gradska vijećnica Amra Zulfikarpašić, gradski vijećnik Srđan Simonović i gradska vijećnica Biljana Lazarević**, a dodatana pojašnjenja i odgovore na pitanja dao je **predsjedavajući Gradskog vijeća Jasmin Ademović, zamjenik Predsjedavajućeg Gradskog vijeća Dragan Stevanović, zamjenica Predsjedavajućeg Gradskog vijeća Mirela Džehverović i pravobranilac Grada Sarajeva Sanjin Smajlović.**

Uslijedila je pauza koju je zatražio **gradski vijećnik Vedad Deljković**, u ime Kluba gradskih vijećnika Stranke demokratske akcije, a prije izjašnjavanja o Prijedlogu Odluke.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva, većinom glasova**, izjasnivši se sa 24 glasa „za“, bez glasova „protiv“ i jednim „suzdržanim“ glasom prisutnih gradskih vijećnika **usvojilo je Odluku o stavljanju van snage Odluke o ustupanju korištenja prostora u upravnoj zgradi DPO-a na Parliament Federacije Bosne i Hercegovine, kako je predložena.**

Ad 3)

Prijedlog Odluke o davanju saglasnosti za donošenje Odluke o preraspodjeli sredstava planiranih u Budžetu Grada Sarajeva za 2021. godinu

U uvodnim napomenama, **predsjedavajući Gradskog vijeća Jasmin Ademović** je istakao da je **predlagač Odluke Gradonačelnica.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Odluku o davanju saglasnosti za donošenje Odluke o preraspodjeli sredstava planiranih u Budžetu Grada Sarajeva za 2021. godinu, kako je predložena.**

Ad 4)

Izvještaj o korištenju sredstava tekuće rezerve

U uvodnim napomenama, **predsjedavajući Gradskog vijeća Jasmin Ademović** je istakao da je predlagač Izvještaja Gradonačelnica, da je Izvještaj razmatrao Odbor budžet i finansije i Komisija za Statut i akte, te da su mišljenja radnih tijela dostupna gradskim vijećnicima.

U raspravi, koja je uslijedila, učestovao je **gradski vijećnik Vedran Dodik**.

Gradski vijećnik Toni Vukadin je predložio zaključak da se pristupiti izradi novog Pravilnika o korištenju sredstava tekuće rezerve uz obrazloženje da postojeći Pravilnik ne definira dovoljno dobro načine kada se tekuća rezerva može koristiti.

Na poziv **predsjedavajućeg Gradskog vijeća Jasmina Ademovića**, **Gradsko vijeće Grada Sarajeva**, većinom glasova, izjasnivši se sa 21 glasom „za“, bez glasova „protiv“ i dva „suzdržana“ glasa prisutnih gradskih vijećnika (dva gradska vijećnika se nisu izjasnila) **usvojilo je sljedeći Zaključak:**

“Potrebno je pristupiti izradi novog Pravilnika o korištenju sredstava iz tekuće rezerve Budžeta Grada Sarajeva.“

Na poziv **predsjedavajućeg Gradskog vijeća Jasmina Ademovića**, **Gradsko vijeće Grada Sarajeva**, većinom glasova, izjasnivši se sa 19 glasova „za“, bez glasova „protiv“ i pet „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Izvještaj o korištenju sredstava tekuće rezerve, kako je predložen.**

Ad 5)

Informacija o realizaciji projekta sanacije, restauracije i kolorističke obnove fasada za 2020. godinu

U uvodnim napomenama, **predsjedavajući Gradskog vijeća Jasmin Ademović** je istakao da je Informaciju podnijela Gradonačelnica, da je Informaciju razmatrao Odbor za urbanizam i upotrebu lokalnog zemljišta, te da je mišljenje radnog tijela dostupno gradskim vijećnicima.

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva** primilo k znanju Informaciju o realizaciji projekta sanacije, restauracije i kolorističke obnove fasada za 2020. godinu, kako je podnesena.

Ad 6)

Informacija o provođenju Plana djelovanja za mlade grada Sarajeva za period 01.01. 2020. - 01.06.2021. godine

U uvodnim napomenama, **predsjedavajući Gradskog vijeća Jasmin Ademović** je istakao da je Informaciju podnijela Gradonačelnica, da je Informaciju razmatrala Komisija za pitanja mladih, te da je mišljenje radnog tijela dostupno gradskim vijećnicima.

Predsjedavajući Gradskog vijeća Jasmin Ademović je konstatovao da je **Gradsko vijeće Grada Sarajeva** primilo k znanju Informaciju o realizaciji Plana djelovanja za mlade grada Sarajeva za period 01.01. 2020. – 01.06.2021. godine, kako je podnesena.

Ad 7)

Informacija o realizaciji vijećničkih pitanja i inicijativa za tekuću godinu

U uvodnim napomenama, **predsjedavajući Gradskog vijeća Jasmin Ademović** je istakao da je Informaciju podnijela Gradonačelnica, te da Informacija nije razmatrana na radnim tijelima. U raspravi koja je uslijedila učestvovali su **gradski vijećnik Nihad Uk, gradski vijećnik Ratko Orozović i gradski vijećnik Adi Škaljić**, a odgovore na postavljena pitanja i pojašnjenja dala je **gradonačelnica grada Sarajeva Benjamina Karić**.

Predsjedavajući Gradskog vijeća Jasmin Ademović je konstatovao da je Gradsko vijeće Grada Sarajeva primilo k znanju Informaciju o realizaciji vijećničkih pitanja i inicijativa, kako je podnesena.

Ad 8)

Vijećnička pitanja i inicijative

Predsjedavajući Gradskog vijeća Jasmin Ademović je najavio razmatranje vijećničkih pitanja i inicijativa.

Naglasio je da se u materijalu nalazi odgovor gradonačelnice grada Sarajeva na inicijativu gradske vijećnice Lajle Čosović, koja je upućena na Drugoj sjednici Gradskog vijeća Grada Sarajeva održanoj dana 02.06.2021. godine, a koja se odnosila na izdvajanje sredstava za obnovu fasada zgrada koje se nalaze između ulice Vrbanja i Vilsonovog šetališta.

Predsjedavajući Gradskog vijeća Jasmin Ademović je informisao gradske vijećnike da su, do održavanja Pete sjednice Gradskog vijeća Grada Sarajeva, zaprimljene tri inicijative predsjedavajućeg Gradskog vijeća za koje je zatraženo da se Gradsko vijeće izjasni, jedna inicijativa gradskog vijećnika Srđana Srdića za koju je zatraženo da se Gradsko vijeće izjasni, inicijativa gradskog vijećenika Muamera Mekića sa Treće sjednice Gradskog vijeća za koju je, također, zatraženo izjašnjavanje Gradskog vijeća, dvije inicijative gradske vijećnice Enise Spahić, kao i vijećničko pitanje gradskog vijećnika Vedada Deljkovića.

Predsjedavajući Gradskog vijeća Jasmin Ademović je upoznao gradske vijećnike da povlači inicijativu koja se odnosi na muzej „Alija Izetbegović“, radi potrebe da prikupi još relevantnih informacija.

1. Predsjedavajući Gradskog vijeća Jasmin Ademović uputio je **inicijativu** da se Nacionalnoj i univerzitetskoj biblioteci Bosne i Hercegovine za potrebe rada i smještaja vrijedne bibliotekarske građe omogući korištenje prostora u objektu Vijećnice u kvadraturi koja joj pripada prema Glavnom projektu obnove zgrade Vijećnice, te zatražio da se Gradsko vijeće Grada Sarajeva izjasni o podnesenoj inicijativi.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **podržalo je podnesenu inicijativu, te je ona postala inicijativom Gradskog vijeća.**

2. Predsjedavajući Gradskog vijeća Jasmin Ademović uputio je **inicijativu** za realizaciju nekoliko aktivnosti u cilju podrške djeci i uposlenicima KJU Dom za djecu bez roditeljskog staranja, te zatražio da se Gradsko vijeće Grada Sarajeva izjasni o podnesenoj inicijativi.

U raspravi, koja je uslijedila, učestvovao je **gradski vijećnik Almedin Miladin**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“

glasova prisutnih gradskih vijećnika (dva gradska vijećnika se nisu izjasnila) **podržalo je podnesenu inicijativu, te je ona postala inicijativom Gradskog vijeća.**

- 3. Gradski vijećnik Srđan Srdić** uputio je **inicijativu** da Grad Sarajevo stipendira i preostali broj učenika koji ispunjavaju uvjete, a ne kako je prvenstveno odlučeno njih 508, naravno u skladu sa rang listom, te da u tom cilju Gradonačelnica osigura potrebna novčana sredstva (osim planiranih 400.000,00 KM), uz prijedlog da se sredstva povuku sa pozicija „Doček Nove godine“ gdje je planirano 50.000,00 KM ili „Sufinansiranje renoviranja - Olimpijskog muzeja gdje je planirano 145.000,00 KM, te zatražio da se Gradsko vijeće Grada Sarajeva izjasni o podnesenoj inicijativi.

Obzirom da je **gradski vijećnik Nihad Uk** zatražio informaciju koliko je ostalo učenika koji nisu dobili stipendije, a ispunili su kriterije, **gradonačelnica grada Sarajeva Benjamina Karić** je zatražila pauzu kako bi nadležne službe dostavile tačnu informaciju.

U nastavku sjednice **gradonačelnica grada Sarajeva Benjamina Karić** je dala odgovor o broj stipendija i finansijskoj konstrukciji.

U raspravi, koja je uslijedila, učestvovao je **gradski vijećnik Srđan Srdić i zamjenica predsjedavajućeg Gradskog vijeća Mirela Džehverović.**

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, izjasnivši se sa 12 glasova „za“, četiri glasa „protiv“ i četiri „suzdržana“ glasa prisutnih gradskih vijećnika (pet gradskih vijećnika se nije izjasnilo) **nije podržalo podnesenu inicijativu, te je ona nije postala inicijativom Gradskog vijeća.**

- 4. Gradski vijećnik Muamer Mekić** uputio je **inicijativu** sljedećeg sadržaja:

“Tražim hitnu izmjenu akata koji reguliraju osvjtljenje, stavljanje reklamnog panoa i organizovanje skupova u Vijećnici. Potrebno je da se propiše obaveza koordinacije sa gradskom administracijom i odobrenje gradonačelnice za upotrebu Vijećnice u ove svrhe.“, te zatražio da se Gradsko vijeće Grada Sarajeva izjasni o podnesenoj inicijativi.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (šest gradskih vijećnika se nije izjasnilo) **podržalo je podnesenu inicijativu, te je ona postala inicijativom Gradskog vijeća.**

- 5. Gradska vijećnica Amra Zulfikarpašić** uputila je vijećničko pitanje sljedećeg sadržaja:

„Poštovani, bilo da je riječ o sportu, muzici, nauci ili nekom drugom poslu za uspjeh je jednako zaslužan rad a naročito sreća, upornost i talent. Uvjereni smo da pozitivna energija stvara pozitivan ambijent i otvara mogućnosti usmjerene energije na put stvaranja novog stvaralačkog ambijenta. Smatram da treba ulaziti u posao sa kvalitetnim projektima. Vjerujući da je kvalitetan posao najbolji odbrambeni mehanizam zbog toga i učimo od najboljih. Upravo s toga vam predlažem projekat „Najbolji od najboljih“. Dakle, dok god vjerujemo u sopstvene realne ideale to nam neće biti uskraćeno. Za uspjehom kao i za srećom ne možemo juriti jer ona dolazi kao rezultat. To nas je opredijelilo da pokrenemo projekat „Najbolji od najboljih“ da bi pokazali naše bosanskohercegovačke vrijednosti Evropi i svijetu. Učinimo da život postane mnogo jednostavniji, daleko uspješniji nego do sada kroz realizaciju kvalitetnih projekata sa idejom da sačuvamo naše vrijednosti bosanskohercegovačke a to traži stalnu nadogradnju. Ovaj projekat je uvod u drugi projekat pod nazivom „Put zvijezda“

ili treći projekat koji bi se zvao „Kuća slavnih“. Cilj ovih ovih projekata je prezentacija istinski bosanskohercegovačkih vrijednosti. Čovjek je neprocjenjiva vrijednost a veliko bogatstvo Bosne i Hercegovine su ljudi vrijedni, pošteni, kreativni i mudri. Ovaj grad i ova država bez tradicije su manji vrijedni. Uspješne generacije su budućnost i ključ uspjeha. Napominjemo da bi u toku realizacije projekta isticali partnera Grad Sarajevo kao, Sarajevo na svim medijima. Zašto baš Grad Sarajevo? Zato jer je organizacioni odbor projekta prepoznao vrijednost i kvalitet partnera. Zbog toga, ovo je projekat i ideja Fondacije Lige humanih čija sam ja član, ovo pismo je Liga humanih uputila i Gradskoj upravi i Opštini Centar, međutim nikad nismo dobili ni termin niti bilo koji odgovor. S toga sam ja danas ovo pročitala i molim vas da uzmete ovo u obzir i u razmatranje.“

6. Gradski vijećnik Almedin Miladin uputio je **inicijativu** sljedećeg sadržaja:

„Molim Gradonačelnicu i rukovodstvo Vijeća, ako je moguće, da daju podršku u finansijskom smislu otvaranju spomen-sobe odnosno embriona nastanka Armije Bosne i Hercegovine koja je otvorena u ulici Obala Kulina Bana br. 30, koju su Zelene beretke otvorile. Tu ima i soba 1800 šehida koji su dali živote za ovu državu. Tu ima građa kako je nastajala Armija Bosne i Hercegovine. Znači, od patriotskih liga, rezervnog MUP-a i tako. Ovo je otvoreno sa Turističkom zajednicom i ja bih imao molbu da se napravi neki projekat, da vi kao Gradonačelnica budete inicijator toga i da vidite da li se može pomoći jednoj takvoj ustanovi, koja govori o tekovinama odbrane od agresije na našu zemlju. Ovo treba da uđe i u program i školski program da ljudi i djeca to vide, jer moramo baštiniti kulturu sjećanja.“

U raspravi je učestvovala **gradonačelnica grada Sarajeva Benjamina Karić**.

7. Gradski vijećnik Adi Škaljić uputio je **inicijativu** za uspostavljanje besplatnog pristupa internetu za građane i posjetioce najfrekventnijih javnih turističkih mikrolokaliteta u Gradu Sarajevu.

8. Zamjenik predsjedavajućeg Gradskog vijeća Dragan Stevanović uputio je **inicijativu** kojom je zamolio Gradonačelnicu da razmotri mogućnost da se na jednoj od narednih sjednica dječiji hor „Princess krofne“ proglasi institucijom ili udrženjem građana od posebnog interesa za Grad Sarajevo.

Predsjedavajući Gradskog vijeća Jasmin Ademović je zaključio rad Pete sjednice Gradskog vijeća Grada Sarajeva.

Sjednica Gradskog vijeća Grada Sarajeva završena je u 13 sati i 20 minuta.

Sastavni dio ovog zapisnika je izvornik i tonski snimak o radu sjednice Gradskog vijeća Grada Sarajeva, koji se čuvaju u Gradskoj službi za Gradsko vijeće.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.